



Inatsisartunut ilaasortaq Doris Jacobsen Jensen, Siumut  
/Maani

**§ 37 naapertorlugu Royal Greenland aamma KNR pillugu apeqquteqaammut  
nr. 2023-45-mut akissut**

14-02-2023  
Sags nr. 2023 - 136  
Dok. nr. 22414567

Inatsisartut suleriaasianni § 37-mi imm. 1 naapertorlugu Royal Greenland aamma KNR  
pillugu Naalakkersuisunut apeqquteqaateqarputit.

Postboks 1015  
3900 Nuuk

Apeqqutit tulliuuttumi akineqarput.

Tlf. (+299) 34 50 00  
Fax (+299) 32 50 02

E-mail: govsec@nanoq.gl  
www.naalakkersuisut.gl

**Apeqqut 1: Royal Greenland-imi pisortasut tusagassiorfimmut innuttaasunut  
sullissisumut KNR-imut oqaaseqarusunnatik nalunaaruteqarput, nunatsinnilu  
Sermitsiaq.AG taamaallaat apersorneqarnerminnut atorusullugu nalunaarput  
“Royal Greenland KNR-imit apersorneqarumangilaq, nittartakkatigulli  
tusagassiorfimmit, Sermitsiaq.AG-imit apersorneqarnerminnut  
innersuussuteqarpoq”, tassani Naalakkersuisut, tassa inuiaqatigiit piginnittut  
sinniisuitut, apererusuppakka sooruna nunatsinniittunit tusagassiorfiit allanit  
apersorneqarusunngitsut?**

Akissut: Ingerlatseqatigiiffiit ataasiakkaat pisortatigoortumik qanoq oqaaseqassanerlutik  
namminneerlutik aalajangigassaraat.

**Apeqqut 2: Suliffeqarfik inuiaqatigiit pigisaat, A/S suliffeqarnermut inatsisip  
(selskabslov) ataaniittoq, pisortaqartoq massa inuiaqatigiinni tusagassiorfik  
annersaannut KNR-imut oqaaseqarusunngitsaq, taamaasilluni inuiaqatigiinni  
amerlasuut, tassa piginnittut, mattuteriarlugit Nunatsinni nutaarsiassaqaarfik  
ataasiinnaq Sermitsiaq.AG atorusunnerannut Naalakkersuisut isornartut  
isigaat?**

Akissut: Naamik. Killiligaanani oqaaseqarsinnaanermi, oqaaseqarusunngissinnaaneq  
aamma ilaavoq.

**Apeqqut 3: Naalakkersuisut, Royal Greenland-imut piginnittuisa sinniisuattut,  
suliffeqarfik taanna, tassanngalu pisortaa Nils Kinnerup, inuiaqatigiit pigisaanni  
suliffeqarfittut pisussaaffeqartut, tusagassiorfinnut tutsuiginartunut, tassannga  
KNR-imut, politikkertertut nipilimmik oqaaseqarsimaneranut toqqaannartumillu  
Nunatta aalisartuinut aningaasatigut siorasaarisutut nipilimmik  
oqaaseqarsimaneranut tusagassioriaatsit atorlugit itisiliiniartoqarnissaanut  
pisussaaffeqarneranut Naalakkersuisut isumaqarpat?**

Akissut: Naamik. Taamaakkaluortoq inuiaqatigiinnut akisussaaqataanissaq  
suleqatigiinnissarlu pillugit Naalakkersuisut piginnittuunermut politikkimikkut  
namminersorlutik oqartussat aktianik piginneqatigiiffiitut naatsorsuutigisaat  
naapertorlugit, ingerlatseqatigiiffiup suleqatigisaanut ingerlatsinermi aningaasaqarnikkut  
kinguneqaataasinnaasut soqutigisaqaqatigiinnut toqqaannartumik anngunneqartassasut  
naatsorsuutigineqarpoq.

**Apeqquut 4: Inuiaqatigiit pigisaanni, tassa Nunatta inuisalu pigisaanni suliffeqarfimmi, pisortaasoq uani pineqarmat, inuttullu tamanut saqqumisutut inissisimasuulluni, ilaatigullu nunatsinni pissutsit qanoq issanerannut oqaaseqartuummat, paaserusuppara pisortaagallartoq pineqartoq Nils Kinnerup (Royal Greenland) Kalaallit Nunaanni najugaqarnerseq nunatsinnilu akileraartarnerseq?**

Akissut: Inuussutissarsiornermut Aqutsisoqarfimmi paasissutissat pisortatigoortut naapertorlugit, pisortaaneq maani nunami najugaqanngilaq. Inuit ataasiakkaat akileraartarnerinut tunngatillugu Naalakkersuisut oqaaseqarsinnaanngillat.

**Apeqquut 5: Pisortaasup isornartumik oqaaseqarsimanera, tassannga tusagassiorfinnut ammasumik apersorneqarsinnaanissaminut aalajangersimalluni mattussinera, ilaatigut KNR-imut, Royal Greenland A/S-imi Siulersuisuinut anngunneqarumaarpa?**

Akissut: Naamik.

Inussiarnersumik inuulluaqqusillunga

  
Kalistat Lund